

TATAISO YA THAPELO

bakeng sa Sehla sa
Seriti sa Botho



SEASON OF
**HUMAN
DIGNITY**

ubuntu • waardigheid • botho

 Biblecor Ditokelo tsa kgatiso © 2015 Biblecor

Biblecor karolo ya Bible-Media
Private Bag X5, Wellington 7654
Dithekiso: 0860 26 33 42
www.biblemedia.org.za



CLF

Private Bag X19, Wellington 7654
021 873 6964
www.clf.co.za

Ditokelo tsohle di bolokuwe

Ha ho karole efe kapa efe ya buka ena e tla hlahiswa botjha
kapa ya fetiswa ka sebopeho sefe kapa sefe kapa mokgwa ofe kapa ofe,
e le wa ilektroniki, kapa tshebediso ya metjhene e itseng, ho kenyeleditswe
ho etsa fotokhophi,
ho hatisa lebanteng kapa lesedi le bolokuweng le
tshebetso ya ho tsetolla ntle le tumello e ngotsweng ya mophatlalatsi.

Ntle le ha ho boletswe ka tsela e nngwe, Diqotso tsohle tsa Mangolo a
Halalelang tse phatlalatsong ena di qotsitswe ho *The Holy Bible* (Bibele e
Halalelang), Kkgatiso e Ntjha ya Matjhaba. Ditokelo tsa kgatiso © 1984
Mokgatlo wa Matjhaba wa Bibele.

Ka tumello

E hlophisitswe ke Natascha Olivier
ka 10 pt hodima 13.5 pt Adobe Caslon Pro

E phatisitswe le ho etswa buka ke Paarl Litho
Rhebok Close, Wellington Industrial Park, Wellington 7655
Kgatiso ya pele 2015

ISBN 978 0 86487 793 2



Dikahare

| | |
|--|-----------|
| Kamoo o ka sebedisang buka ena ka teng | 4 |
| Tihompho | 6 |
| Selelekela le boitokisetso | 6 |
| Dithapelo ya... | |
| 1. Kamohelo | 6 |
| 2. Kabelano | 9 |
| 3. Ho fana le boitlamo | 11 |
| Ho mamela | 13 |
| Selelekela le boitokisetso | 13 |
| Dithapelo tsa ... | |
| 1. Kamohelo | 13 |
| 2. Kabelano | 16 |
| 3. Ho fana le boitlamo | 20 |
| Ho ananela | 21 |
| Selelekela le boitokisetso | 21 |
| Dithapelo tsa ... | |
| 1. Kamohelo | 21 |
| 2. Kabelano | 23 |
| 3. Ho fana le boitlamo | 24 |
| Lerato la boitelo | 26 |
| Selelekela le boitokisetso | 26 |
| Dithapelo tsa ... | |
| 1. Kamohelo | 26 |
| 2. Kabelano | 28 |
| 3. Ho fana le boitlamo | 30 |



Kamoo o ka sebedisang buka ena ka teng


O amohelehile Sehleeng sa Seriti sa Botho! Sepheo sa Sehla sena empa e le feela ho ntjhafatsa sefahleho sa Afrika Borwa ka ho e fodisa ka matla a Modimo a ho kgutlisetsa seriti mothong e mong le e mong.

Hobane ona ke mosebetsi wa Modimo, re lokela ho qala ka thapelo. Ke feela Modimo a ka fihlellang dipelo tsa batho mme a tlisa phethoho e tebileng. Re hloka ho isa mehoo ya rona ho Modimo ho etsa hona.

Bukana ena e hlophiseditswe ho thusa motho ka bomong empa haholoholo dihlopha tsa badumedi ba latelang Jesu Krete ka botshepehi. Re hlahisa ka boikokobetso dilitheji (dithapelo tse hlophiseditsweng tsa tshebeletso ya lentswe la Modimo) bakeng sa ho sebediswa ha mefuta e fapaneng ha dihlopha di phuthehile mmoho ka kerekeng.

Dilitheji tsena ha se ha kaalo ditataiso bakeng sa dikopano tsa dihlopha tse nnyane empa di ka sebedisetswa ho bula ka semoya mefuta yohle ya dikopano tsa badumedi, baetapele ba kereke, basebetsi ba kereke, ditherisano, mme le tsona dihlopha tse nnyane di kenyeleditswe. Hape ho kenyeleditswe dilitheji tsa dikopano tsa batjha, dikopano tsa baetapele mmoho le dikopano tsa moo basadi feela kapa banna feela ba kopaneng.

Makgabane a mane a Sehla sa Seriti sa Botho – *hlompha*,



ho mamela, ho ananela, le boitelo (lerato la boitelo) a fana ka mekotaba ya dithapelo tsa dilitheji. Re kgothaletsa tshebediso ya dilitheji tse fapaneng ka tatelano eo ho nehelanweng ka yona bukaneng ena haeba di sebediswa ke sehlopha se itseng dikopana tsa sona.

Ha ho sebediswa dilitheji makgetlong a latelanang, hape re sisinya ho sebedisa dikerese tse nne. Kgantsa kerese ya pele ha ho sebediswa litheji hodima *tlhompho*. Kgantsa kerese ya bobedi, ha ya pele e se ntse e tuka, ha ho sebediswa litheji ya bobedi - e nngwe hodima *ho mamela, jj*.

Leha dilitheji di hlophisitswe ho sebediswa jwaloka karolo e le nngwe e kopaneng, ka kopu eba le bolokolohi ho sebedisa katamelu ya ho qotsa mona ho eketsa sebakeng se seng kapa ho fokotsa sebakeng se seng ho latela maemo kamoo a leng ka teng. Haeba dilitheji tseo ho fanweng ka tsona mona di tsosolosa monahano wa litheji oo e leng wa hao, o fuwa tumello ya ho amanya le ho fetola.

Dilithoji di reretswe ho kenyeletsa bankakarolo bohle. Tataisong ena yohle mantswa a ngotsweng ka ditlhaku tse tshakaletseng a reretswe ho phetwa mmoho ke bohle.

Litheji e nngwe le e nngwe e na le dikgato tse tharo: *kamohelo, kabelano le ho fana le boitlamo*. Seo Modimo o re fang sona, re se abelane le ho se fa ba bang. O ka batla ho qala seboka kapa kopano ka dikgato tse pedi tsa pele mme o phethele ka ya boraro.

Fred Schoeman (mohlophisi) • Andries Hoffman
Elize Morkel • Tipi Jacob Nthakhe • Cas Wepener

Hlompha

Selelekela le boitokisetso

Bankakarolo ba bina sefela se lelekelang tshebeletso ha ho ntse ho lokiswa ho kgantsa dikerese tse nne tse emetseng makgabane a mane a Sehla sa Seriti sa Botho. Kerese ka nngwe e lokela ho kgantshwa ke motho e mong ya emetseng dikereke tse fapaneng kapa baahi ba tikoloho ba teng; bana, basadi, banna. baemedi ba sepolesa kapa motho e mong ya boemong ba bolaodi (haholoholo ya apereng yunifomo). Haeba dikopano tse nne tsa thapelo di etswa makgetlo a latellanang le batho ba neng ba le teng nakong e fetileng ba boetse ba le teng, kerese e le nngwe e ka nna ya kgantshwa kopanong e nngwe le e nngwe ya thapelo ho fihlela dikerese tsohle tse nne di tuka.

Dikarolo tsa ho Nahanisisa ka Lentswe la Modimo le dipalo tsa Mangolo a Halalelang, di ka nna tsa balwa ke moetapele kapa batho ba fapaneng ha dithapelo di balwa ke sehlopha kaofela.

1. Kamohelo

Ho Nahanisisa ka Lentswe la Modimo

Tlhomphe ya batho ba bang e tswalwa ke tlhomphe ya rona ya Modimo (“tshabo ya Modimo”) mme e itshetlehile bohlokweng ba rona ho yena, seriti seo a se fang batho bohle

ba bopilweng ka setshwantsho sa hae, bao a ba beileng jwaloka baemedi ba hae, babusi bao e leng basebeletsi ba hae lefatsheng lena (Genese1:23-28; Pesaleme ya 8). Mang kapa mang ya rohakang tsebetutu, a beha tshitiso ka pele ho sefofu kapa ya etsang hore ngwana a kgopjwe o tla ikarabela kgalefong ya Modimo (Lev. 19:1-4, 9-14; Matt 18:6). Ho Esaia 59 Modimo o ikapesitse ka tjheseho le phetetso lebitsong la ba sa etsetsweng toka. Le teng o rata ho tla jwaloka Mopholosi ho ba bakang dibeng tsa bona (temanaya 20). Ka lebaka leo seriti sa rona, tlhompho le ho itlhompha, hammoho le tlhompho ho batho ba bang, qetelong di itshetlehile hodima ho ba teng ha rona HO KRESTE ya shwetseng dibe tsa rona. Krete ke bohlale, ho loka, kgalalelo le pholoso ya rona (1 Bakorithe 1:26-31). Ka moyo wa hae o Halalelang o busetsa baetsadibe setshwantshong sa hae. Ha re sa tla itadima kapa ho tadima ba bang ho latela tekanyetso ya batho (tem 26) empa ka leihlo le mohau la Modimo. Re bona seo ba leng sona ka baka la Krete, mme re bona seo ba ka bang sona tlasa tshebetso ya Moya o Halalelang. Jwale, ho latela tekanyetso e makatsang ya Mmuso wa Modimo, ba eisehang le ba nyatsehang ba bohlokwa ka ho fetisisa mme ba lokelwa ke tlhompo (1Bakorithe 12:21-25). Ke lahlakoreng le leng Bibe e re laela ho hlompha bao a ba hlomamisitseng (ba tseba kapa ba sa tsebe) boemong ba bolaodi. Leha ba bile ba hloleha, mme leha re batla hore ba ikarabele, jwalokaha e le pitso ya rona, re lokela ho etsa hona ka mamello le tlhompho (Katikisima ya Heidelberg 104 – tlhaloso ya molao wa bohlanano).

Mangolo a sisinywang bakeng sa ho bala

Genese 1:23-28; Pesaleme 8; Levitike 19:1-4, 9-14;
Mattheu 18:6; 1 Bakorithe 1:26-31; 12:21-25.

Thapelo ya kamohelo

Re a o rorisa, oho Morena, bakeng sa tlhompho le seriti seo o se fileng e mong le e mong wa rona, haholoholo ba nyatsuwang le ba qheletsweng ka thoko.

Morena, re a o rorisa.

Re ananela Molaetsa o Molemo wa hore o hlatswitse dibe tsohle tsa rona ka Krete mme wa tshollela Moya o Halalelang ka ho tlovisa hodima e mong le e mong wa rona ho re ntjhafaletsa setshwantshong sa hao.

Morena, re a o rorisa.

Re o leboha ka mpho ya mmele wa hao, kereke, moo bohle ba amohelehileng, amohetsweng le ho hlomphuwa feela kamoo ba leng ka teng.

Morena, re a o leboha

Re o leboha ka setho se seng le se seng se bontshang tlhompho ena ka kerekeng le lefatsheng, ho batswadi le maqheku, ho bana, ho mafutsana le diqhwalala, ho batho ba taolong, esitana le ha bao ba taolong ba tshwara ba bang ka tlhompho le ho ba sebeletsa jwalokaha o ile wa sebeletsa.

Morena, re a o leboha.

Pina ya thoriso kapa palo tsa Lentswe

Pesaleme ya 145 (haholoholo temana ya 8-9 le 13-14) kapa ya 146:5-10.


Ho fana le ho amohela seriti

Nakong ya metsotswana ya kgutso motho e mong le e mong o thabela boteng ba batho ba teng, a ba fa seriti se ba lokelang le yena a amohela seriti seo ba mo bontshang sona, ka ho bontsha feela hore ho bohlokwa le monate ho ba mmoho maotong a Morena.

2. Kabelano

Ho tebisa maikutlo Lentsweng la Modimo

Bibeleng re fumana mehlala e mengata ya batho bao ka boikgantsho ba hlokang tlhompheho ho ba bang. Ho Genese 19:4-9, banna bohle ba Sodoma, batjha le maqheku, ba ne ba batla ho beta moeti wa Lota, moditjhaba (molata). Ho Baahlodi kgaolo ya 19, banna ba kgopo ba Gibe'a ba ne ba batla ho etsa ho tshwanang ho Molevi ya robaleditse motseng wa bobona. Qetellong a ba neha serethe sa hae ba se beta le ho se hlekefetsa bosiu bohle ho fihla se eshwa. Ho Genese kgaolo ya 38, Juda o ile a robala le seotswa mme hamorao a batla hore ngwetsi ya hae e tlepetswe ka majwe ha e emola, emp'a a lemoha hore hona ho bakilwe ke bohlaswa ba hae le bohlola ba hae. Re bala ho Jakobo 2:1-4 hore phutheho e ne e fa barui ba apereng diaparo tse ntle ditulo tse kapele, ha



mafutsana a apereng dikatana a ne a lokela ho ema kapa a dule fatshe. Barui bao ba ne ba sa lefe basebetsi ba bona mme ba ne ba ba ahlolela lefu le ho bolaya batho ba se nang molato. Ha re itekoleng ka thata, ba malapa a rona, diphutheho tsa rona naha ya rona le lefatshe ka tsena le mehlala e meng e Mangolong a Halalelang. Ke ho kae lefatsheng la rona o bonang ditshantsho tse mpe tjena tsa ho hloka tlhompho? (Hona ho kenyeletsa maphelo a batho, malapa, mabitso, thepa, nako le mosebetsi ya ba bang. Ho ka nna ha kenyeletswa le tlhaho.)

Thapelo ya ho Ila

Re a Ila, oho Morena, hohle moo ho hloakang tlhompho ho hanyetsana le seriti seo o faneng ka sona, e ka ba ho etswang ke balaodi ho batho kapa batho ho balaodi, bafani ba mosebetsi ho basebetsi kapa basebetsi ho bafani ba mosebetsi, batjha ho maqheku kapa maqheku ho batjha.


Re tshwarele, re a rapela.

Re a Ila, oho Morena, kae kapa kae moo re etsang ka ho se hlomphe mmopo wa hao, maphelo a batho ba bang, mosebetsi, thepa ya ba bang, mabitso, manyalo le malapa.

Re tshwarele, re a rapela.

Re a Ila, oho Morena, kae kapa kae moo re bileng le kabelo e jwalo setjhabeng ka ho se rute le ho se phele Evangedi ya lerato la hao ho bohle.

Re tshwarele, re a rapela.



Re a lla, oho Morena, kae kapa kae moo ho phela ka boiketlo ha rona ho re fougaditseng le ho etsa hore re se tsotelle bofutsana bo amohang ba bang seriti sa bona.

Morena, re hauhele.

Pina ya ho lla kapa palo ya Lentswe

Pesaleme ya 142 kapa ya 94.

Thapelo ya ho fodiswa

Re a o kopa ho fodisa le ho busetsa tlhomphano malapeng a rona, naheng ya rona le lefatsheng. Re rapella moruo o motle o nang le toka le hore bohle ba amehang ba be le seabo se hloakang maano sa boemo boo mehlodi e ka sebedisetswang ho ntlafatsa boleng ba bophelo ba bohle, ka tsela hore le mehlodi eo e nne e bolokwe bakeng sa bokamoso.

Re o kopa hore o busetse tlhompho baahing ba tikoloho ya rona ba dibakeng tse latela

ng: _____ . (Bankakarolo ba fumana monyetla wa ho bolela dibaka tse ikgethang tsa baahi ba tikoloho ya bona.)

Re o kopa hore o busetse tlhompho lefatsheng le kantle ho tikoloho ya setjhaba sa rona dibakeng tse latelang:

_____ . (Bankakarolo ba fumana monyetla wa ho bolela dibaka tse ikgethang tse ding lefatsheng.)

3. Ho fana le boitlamo

Ho tebisa maikutlo Lentsweng la Modimo

Bibeleng hape re fumana mehlala ya batho ba bontshitseng tlhompheho ho ba bang ho sireletsa kapa ho ba buseletsa seriti, mohlala, tshireletso eo Boase a neng a e fe Ruthe ho Ruthe 2:8-9; Mosamaria ya Molemo ho Luka 10:33-35, le Jesu ha a ama le ho fodisa molepera ho Mareka 1:41.

Thapelo ya boitlamo

Oho Morena, re amohetse lerato la hao le fetisisang le sa re tshwanelang.

Ha ho le jwalo, re itlamo ho tsitlallela ho bontsha lerato le tshwanang ho ba bang malapeng a rona, diphuthehong, dikolong, moo re sebetsang le moo re bapalang, moo re etellang pele le moo re leng balatedi letsati le leng le le leng.

Tlhohonolofatso

Bankakarolo ba fumana monyetla wa ho bontsha tlhompheho ho ba bang kamoo e leng tlwaelo ho latela meetlo ya motho e mong le e mong kapa ho tshwarana ka matsoho ha ba ntse ba bina pina e lokelang le ho fumana tlhohonolofatso ya ho qetela.

Ho mamela


Selelekela le boitokisetso

Bankakarolo ba bina sefela se lelekelang tshebeletso ha ho ntse ho lokiswa ho kgantsa kerese ya bobedi ya tse nne tse emetseng makgabane a mane a sehla sa seriti sa botho. Haeba ke kopano e tshwarwang hang feela, kgantsa dikeresere kaofela.

1. Kamohelo

Ho tebisa maikutlo Lentsweng la Modimo

Bokgabane ba pele ba tlhomphe bo re tlisa bokgabane ba bobedi ba ho mamela. Haeba o hlompha motho e mong o tla mamela motho eo. Ho mamela ho thata haholo boholong ba batho, haholoholo mehleng ena. Re phela dinakong tse phathahaneng tse nang le medumo e mengata eo re e utlwang, empa ho mamela ka kelohlolo ho kgetholla medumo le mantswe ohle ho hloka bokgoni bo itseng kapa bonyane matsapa le boikgathatso bo itseng ho etsa jwalo. Re sisinya hore malebana le seriti sa botho re lokela ho ikemisetsa ho mamela ka maikutlo a nang le tjantjello le phadimeho bonyane mantswe a mararo, eleng, Mangolo a Halelalang; batho bao re kopanang le bona ba bopilweng ka setshwantsho sa Modimo; le boemo boo re phelang tlasa bona. Ka tataiso



ya Moya o Halelelang re dumela hore ka ho mamela mantswe ana re ba le katamelo e itseng ho kgetholleng lentswe la Modimo lefatsheng leo re phelang ho lona.

Mangolo a sisinywang bakeng sa ho bala

Eksoda 3; 1 Marena 3:16-28; 19; Jobo 42; Pesaleme 19; 29; Mattheu 25; Bafilipi 1:9; Baheberu 13.

Thapelo ya ho mamela (e amahantswe)

E mong o lokela ho etella pele le ho tataisa sehlopha thapelong ena ya ho mamela:

- Dula o le sebakeng seo o qhanolotseng mme o kwale mahlo.
Kgutso...
- Dula o phomotse ka ho phefumoloha ho utlwahalang: hemela ka hare ebe o hemoloha butle (phetha makhetlo a mmalwa). Na o a ikutlwa ha o hema? Kgutso...
- Itsepamisetse maikutlo, mohlala, tsepamisetse maikutlo mohopolong o le mong wa mehopolo ya hao, jwaloka ho mamela. Nahanisisa ka botebo ho seo o se utlwang. Kgutsa ho fihlela moetapele a phatlalatsa mohato o latelang.
- Jwale tsepamisetse maikutlo bathong bao o kopaneng le bona le bao o buileng le bona matsatsing a fetileng. Dipuisano di ne di le hodima eng? Na ka mohlomg ho na le moo Modimo a buileng le wena ka bona?
- Nahana ka boemo boo o phelang ho bona: diketsahalo tsa

sehlooho ke dife lefatshe ka bophara ... le naheng ka bophara ... motseng wa heno le baahing ba phutheho ya heno ... bophelong ba lelapa la hao.

- E mong o bala butle e nngwe ya dingolwa tse latelang. Na ebe Modimo o batla ho hatella ho hong pelong ya hao? Kgutso ...
- Bula mahlo a hao ha e mong a ntse a bala palo e latelang ka ntswe le phefa.

Hodima thapelo le ho kgutsa— Søren Kierkegaard

(Moetapele kapa motho e mong ya kgethilweng ke sehlopha a ka bala thothokiso ena ka ntswe le phefa.)

Ha thapelo ya ka e hohela maikutlo ka ho fetisa mme etswa maikutlong a botebong

Ke batla ke se na letho seo nka se buang.

Qetellong ke kgutsa ka ho phethahala.

Ke qalella ho mamela – hoo le hona ho tlositsweng ho buweng.

Pele ke ne ke nahana hore thapelo e hloka hore e buuwe.

Yaba ke ithuta hore ho rapela ke ho mamela, e seng feela ho kgutsa.

Hona ke kamoo e leng ka teng.

Ho rapela ha ho bolele ho ikutlwa o bua.

Thapelo e kenyeditse ho kgutsa, le ho ema ho fihla Modimo a utluwa.

Palo

(Hapehape, moetapele kapa motho e mong ya kgethilweng ke sehlopha, a ka bala ka lentswe le phefa.)

Pesaleme ya 19.

2. Kabelano

(Sebedisa efe kapa efe ya dithapelo tse latelang)

Ditania (dithapelo tse phetwakang) tsa ho mamela.

Morena, re batla hore re utluwe ho feta ho mamela batho ba re potapotileng.

Morena, re thuse.

Kgutso ...

Mme ha re bala Biblele ya rona, re utlwa haholoholo seo re seng re se tseba le seo re batlang ho se utlwa.

Morena, re thuse.

Kgutso ...

Hape ka lefatshe leo re phelang ho lona, kgafetsa re ba le boiphihlelo ba ho le nka e le tshoso ho ena le hore re utlwe le tletse boteng ba hao.

Morena, re thuse.

Kgutso ...

Moyeng o hweshetsang ha bonojwana, Modimo o teng.

Bua, Morena.

Kgutso ...

Kreste ya thakgisitsweng ke Lentswe le bileng nama.

Bua, Morena

Kgutso ...

Lentsweng la bao re sa ba tlwaelang le melata e hara rona,
ho utlwahala lentswe la mangeloi le Modimo ka Boena.

Bua, Morena

Kgutso ...

Amen

Ntata Rona

Ntata rona ya mahodimong, lebitso la ha le kgethehe

re thuse ho o tseba hantlentle,

ho o batla le seo re se tsebang ka wena ho tswa

Mangolong a Halalelang ; tholohelo ya hao ya toka,

nnete le mohau;

mmuso wa hao o tle,

re tataise jwaloka kereke ya hao ho lwana ntwana e

molemo lefatsheng mme re be dipitsa tsa letsopa bakeng

sa letlotlo la hao;

thato ya hao e etswe lefatsheng jwalokaha e etswa lehodimong.

Re thuse hore re se ikutlwe feela le ho qobella ba bang

ho etsa thato ya rona, empa re mamele ka nnete le ho

kgetha mosebetsi o lokelwang ho etswa.

O re fe kajeno bohobe ba rona ba letsatsi le leng le le leng.

O hlokomele ditlhoko tsa rona tsa mmele mme o bule

mahlo a rona bakeng sa ditlhoko tsa ba bang.

*O re tshwarele melato ya rona, jwalokaha re se re tshwaretse ba
melato ho rona.*

Re tshwarele ka ho se mamele ba re potapotileng mme
ka dinako tse ding le ho ba bona re sa ba bone.

Mme o se ke wa re isa molekong, empa o re ntshe ho e mobe,
Morena, re matlafatse ka Moya o Halalelang, hore re be
bajari ba setshwantsho sa hao, re tle re pheme moleko
wa ho se hlomphe batho;

hobane mmuso le matla le kganya ke tsa hao kamehla.

Re rapela hona ka Lebitso la hao, Boraro ba Modimo
boo BOHLE ba bopilweng ka setshwantsho sa bona.
Amen.

Thapelo e sa ngolwang

Moetapele o fana ka monyetla bakeng sa thapelo e sa
ngolwang. Bankakarolo ba ka nna ba rapella haholoholo bao
mantswe a bona a sa utlwahaleng hobane ba:

- qheletswe ka thoko
- futsanehile
- hlokang matla
- phela ka boqhwalala
- bannyane
- tsofetseng
- jereng sekgobo
- fokolang ho iketsetsa letho
- eleng melata
- hloka ho fuwa bodulo ke ba bang.

Thapelo ya ho fana

(Moetapele kapa motho e mong ya kgethilweng ke sehlopha a ka bala thapelo e latelang ka ntswe le phefa kapa sehlopha sohle se ka rapela mmoho.)

Thapelo ya Francis wa Assisi

Morena, nketse sesebediswa sa kgotso ya hao.
Moo ho nang le lehloyo, nketse ke jale kgotso;
Moo ho nang le ho utlwa bohloko, tshwarelo;
Moo ho nang le se ho utlwane, kutlwano;
Moo ho nang le phoso, nnete;
Moo ho nang le pelaelo, tumelo;
Moo ho nang le ho nyahama, tshepo;
Moo ho leng lefifi, kganya;
Moo ho leng maswabi, thabo.

Oho Monghadi ya Halalelang, mphe hore ke se batle hakalo
Ho tshediswa ho ena le ho tshediswa;
Ho utlwisiswa ho ena le ho utlwisisa;
Ho ratwa ho ena le ho rata.
Hobane ke ha re fana re tla fuwa;
Ke ha re tshwarela re tla tshwarelwa;
Ke ho shweng moo re tla tswallwa bophelo bo sa feleng.
Amen.

3. Ho fana le boitlamo

Ho romela

Ha re tloha mona, re kena lithejing (kgumamelong) ya bophelo bohle ba tsatsi le leng le leng ...

Eyang ka lefatshe lohle: mamelang ba mantswe a sa utlwahaleng le a fokolang.

Re ya re kgodisehile hore re hlohonolofaditswe ke Modimo.

Eyang ka lefatshe lohle: mamelang ho opa ha lefatshe le hlohang.

Re ya re kgodisehile hore re hauhetswe ke Modimo.

Eyang ka lefatshe lohle: kgethang seo Moya o Halalelang wa Modimo o re rutang le ho re hopotsa sona.

Re ya re kgodisehile hore re ratwa ke Modimo.

Tsamayang jwale; hopolang hore le bomang le hore le ba mang.

Ananela

Selelekela le boitokisetso

Bankakarolo ba bina sefela se lelekelang tshebeletso ha ho ntse ho lokiswa ho kgantsa kerese ya boraro ya tse nne tse emetseng makgabane a mane a sehla sa seriti sa botho di etswa. Haeba ke kopano e tshwarwang hang feela, kgantsha dikerese kaofela. (Se kgantse dikerese motsotsong wa jwale – hoo ho tla etswa ha morao.)

1. Kamohelo

Ho tebisa maikutlo Lentsweng la Modimo

Ha re hlomphana, re a mamelana. Ha re mamelana re utlwa hore ditlhoko le dingongoreho mme ho ba leeme ha rona ho a fela. Ebe re a ananelana. Kananelo e supa kamohelo e hlohang dipheho. Ntata ngwana ya lehlaswa o ile a ananela mora wa hae ya neng a sa mamele ha a boela hae (Luka 15). Ho sa natshe tsohle tse etsahetseng, ntate o ile a amohela mora wa hae ka pelo yohle ya hae ntle le dipheho tse itseng. Modimo o etsa jwalo le ho rona. Re lokela ho etsa jwalo le ho ba bang, haholoholo bao re hopotseng hore ha ba ya lokela ho hang.

Mangolo a sisinywang bakeng sa ho bala

Bagalata 3:28; 1 Johanne 3:17; Luka 6:36; Jakobo 3:9-10; Johanne 15:17; Mattheu 19:13-15; Mareka 2:16; Johanne 4:4-42; Luka 15.

Thapelo ya kamohelo

Mokgwa wa tsamaiso (ritual)

Motho e mong o kgantsha kerese a ntse a re:

Jesu o na re: Ke lesedi la lefatshe. Ya ntatelang a ke ke a tsamaya lefifing, empa o tla ba le lesedi leo e leng bophelo.

Thapelo

Morena, ha re tla ka pele ho wena re utlwa kamohelo ya hao ya lerato,

Modimo wa mehaubelo, re a o rorisa le ho o leboha,

Morena, re utlwa mofuthu wa kamohelo ya hao,

Modimo ya mohau, re a o rorisa le ho o leboha,

Morena, re tadima ho wena o le mohlodi wa bophelo le seriti sa rona,

Mmopi wa tsohle, re a o rorisa mme re a o leboha.

Pina ya thoriso (boikgethelo)

Ho bala

(Moetapele kapa motho e mong ya kgethilweng ke sehlopha a ka bala pesaleme kapa sehlopha sohle se ka e bala mmoho.)

Pesaleme ya 133.

2. Kabelano

Thapelo ya boinyatso

(Bohle ba rapela mmoho)

Modimo ya mohau, o a re rata, empa ha re ya ka ra o rata.

O re bitsitse, empa ha re a ka ra mamela.

Re iphapanyetsa baahisani ba hlohang.

Re ghelela thoko batho bao o ba ananetseng.

Re ingamangama ka dingongoreho tsa rona.

Re tshwarele, re a rapela; ka Jesu Krete Morena wa rona.

(Monyetla wa kgutso wa thapelo ya boinyatso.)

Utlwang ditaba tse molemo: Krete o re shwetse re sa le baetsadibe. Hona ho paka lerato la Modimo ho rona. Ka Lebitso la Krete, o tshwaretswe.


Ka Lebitso la Krete, o tshwaretswe. Kganya e be ho Modimo.

Amen.

Thapelo ya batho

Modimo wa bosafeleng, o re rometse Molopolli, Krete Jesu, ho heletsa marako a kgohlano a re arohanyang. Fedisa lehloyo le leeme ho rona le ho batho bohle, e le hore bana ba hao ba boelane le bao re ba tshabang, hloyang kapa tshosang, re tle re phele mmoho ka kgutso, ka Krete Jesu Morena wa rona.

Utlwa dithapelo tsa rona, oho Morena.



Ha re rapelleng dira tsa rona ...

(Monyetla wa dithapelo tse kgutswane tsa ditho tsa sehlopha kapa thapelo ya kgutso.)

Utlwa dithapelo tsa rona, oho Morena.

Ha re rapelleng kgotso le poellano ...

Utlwa dithapelo tsa rona, oho Morena.

Ha re rapelleng ho heletswa ha marako a meharo, matla le mohono tse re arohanyang...

Utlwa dithapelo tsa rona, oho Morena.

Ha re rapelle lerato, kgotso le thabo le tsohle tse re kopanyang mmoho...

Utlwa dithapelo tsa rona, oho Morena.


Ha re rapelleng ba lahluweng ba iphumanang ba le bang...

Utlwa dithapelo tsa rona, oho Morena.

3. Ho fana le boitlamo

Sehlopha se a ema mme ka ho hakana (embracing) motho ka mong o re ho e mong: “*Ha Modimo a o ananele ka qenebelo le mohau wa hae.*” Ka morao ho mona, sehlopha se ema se entse lesakana, batho ba tshwarane le ho kopana ka matsoho, ha moetapele a etela sehlopha pele ka thapelo:

Morena, wena ya re bopileng ka setshwantsho sa hao, wena ya re entseng boemong bo tlasenyana ho dibupuwa tse



mahodimong mme wa re rwesa moqhakahloho wa tlhompho; wena ya re fileng ho rena hodima mesebetsi ya matsoho a hao; wena ya beileng tsohle tlasa maoto a rona; re nehe bohlahe le kutlwisiso ho heletsa ditshitiso tse arolang batho mme o tlise kutlwano le kgotso lefatsheng la hao.

Modimo wa bosafeleng, mmusi wa dintso tsohle tse lehodimong le lefatsheng, amohela dithapelo tsa batho ba hao, mme re matlafatse ho etsa thato ya hao; ka Jesu Krete.

Amen.

Haeba sehlopha sona sena se ikemiseditse ho qala kopano ya sona e latelang ka litheji ya lerato le boitelo, ditho di kopuwa ho tla le dimpho tse nnyane tse jwaloka dipompong, ditjhokoletse kapa eng kapa eng e nnyane e tla arolelwana jwaloka letshwao la lerato le boitelo.

Boitelo- lerato

Selelekela le boitokisetso

Bankakarolo ba bina sefela se lelekelang tshebeletso ha ho ntse ho lokiswa ho kgantsa kerese ya bone e emetseng bokgabane ba sehla sa seriti sa botho di etswa.

1. Kamohelo

Ho tebisa maikutlo Lentsweng la Modimo

Bokgabane ba bone ba lerato le boitelo bo bonahala bo fokotsehile ka sekgahla se sehlo ditjhabeng lefatshe ho pota. Le hona boemong ba rona ba Afrika Borwa, bophelo ba baahi ba bangata bo bonaha bo tlese kgalefo, morusu le lehloyo ho ya boemong boo motho a ipotsang hore botho le boleng ba lerato le boitelo bo ile kae. Bukeng ya Baroma 13:8 re hopotswa bokgabane bo boholo ka ho fetisisa ba boleng ba lerato le boitelo, boo Bibe e bo nkang e le molato oo batho ba o kolotanang le oo ba o kolotang Modimo. Mona Paulose o re: "Ho se be le molato o sa lefuwang." Jwalokaha ele tlwaelo e ntle ya taolo ya ditjhelete, molato o lokela ho lefuwa ho qoba mathata. Ka lebaka leo, molato oo Bakreste ba o kolotanang le ho o kolota Modimo, o lokela ho lefuwa ele hore ho se be le mathata mahareng a batho ka bobona le mahareng a batho le Modimo. Ha ho se lerato mahareng a batho, ho se na lerato mahareng a batho le Modimo, ho na le molato wa lerato le

boitelo. Molato ona re lokela ho o lefa ele hore dikamano tse ntle di be teng mahareng a bohle setjhabeng sa rona. Hang ha hoo ho entswe, toka, poelano, kopano, lerato, kgotso le kutwano di tla busa mahareng a batho le Modimo.

Dipalo tse sisinywang bakeng sa ho bala

Levitike 19:18; Numere 14:18; Deuteronomoma 6:5; Mattheu 5:43; 25; Johanne 13:34; Baroma 8:35; 1 Bakorinthe 13:1; Bafilipi 2:1; 1 Johanne 2:9.

Thapelo ya kamohelo

Morena, re a o leboha le ho o rorisa ka seo o leng sona le seo o re etsetsang sona. Re a o leboha le ho o rorisa bakeng sa tlhokomelo le tlhohonolofatso hodima maphelo a rona.

Modimo, o nne o re hlohonolofatse.

Morena, re a o leboha ka malapa a borona, le batswadi ba rona, bana beso le dikgaitsemi tsa rona mona le lefatsheng ka bophara.

Modimo, o nne o re hlohonolofatse.

Morena, re a o leboha ka basebetsimmoho, metswalle, baahisani le setjhaba sa rona, re o leboha ka batho bohle bao re kopanang le bona letsatsi le leng le le leng, e ka ba bao re ba tlwaetseng kapa baditjhaba.

Modimo, o nne o re hlohonolofatse.

Modimo, re a o leboha ka maphelo a rona le mahlohonolo a hao, re kopa o nne o re hlohonolofatse. Amen.

Jwalekaha re se re fane ka thoriso le diteboho ho Modimo bakeng sa mahlohonolo hodima rona, ha re shebeng dikereke le ditjhaba tsa rona mme re bolele batho ba hlokang dithapelo tsa rona ele hore re ba rapelle.

(Bankakarolo ba bolela bao ba hopolang hore ba hloka dithapelo mme dihlopha di a ba rapella ka ho fana sebaka, jwaloka ba kulang, ba hlokang malapa, ba hlokang mesebetsi, le ba etsang sehlabelo ka maphelo a bona ba sa ikgopole jwaloka mapolesa, baoki, dingaka, le matitjhere.)

Pina ya thoriso kapa ho bala (boikgethelo)

2. Kabelano

Thapelo ya kabelano

Modimo Mmopi, mongodi wa maphelo a rona le lerato, ka Krete Jesu Mora wa hao, o re bontshitse lerato la nnete le boitelo, o re ratile haholo hoo o ileng wa tela ho re neha Mora ya tswetsweng a le mong wa hao hore re pholohe.

Morena, re a o leboha ka ho re abelana Mora wa hao le rona.

Morena, jwale re hlokomela hore ka ketso eo ya lerato la boitelo, le rona o batla hore re ratane mme re iphe ba bang ka ho abelana le bona bonnyane boo re nang le bona.

Morena, re a o leboha ka ho abelana Mora wa hao le rona.

(Motsotso wa kgutso.)

Morena, o re file banna le basadi, bashanyana le banana ba tshepahalang setjhabeng sa rona, Morena, batho ba hao ba

ikanneng ho ema le ho lwanela nnete le botshepehi kahare ho manyofonyofo, boqhekanyetsi, le mefutafuta ya bobodu yohle. Ba etse lesedi le kganyang hara lefifi, ba etse matshwao a tshepo hara ho nyahama, ele hore ka bona, re nne re tsebe seo o se lebeleletseng ho rona.

Morena, re a o leboha ka ho abelana Mora wa hao le rona.

3. Ho fana le boitlamo

Thapelo ya ho fana le boitlamo

Baena le dikgaetsedi, jwale ke nako ya ho abelana dimpho tseo re tlileng le tsona jwaloka letshwao la lerato le boitelo boo re ithutileng bona ho Jesu Krete Morena wa rona.¹

Ha dimpho di ntse di abelwana, bobedi mofani le moamohedi ba fapanyetsana mantswe a latelang:

MOFANI:

Nka mpho ena jwaloka letshwao la lerato le boitelo.

MOAMOHEDI:

Ke a leboha Modimo a o hlohonolofatse.

BOHLE: Re a leboha, Morena, ka bonnyane bo re bileng le ho bo arolelana. Jwale ha re tla tloha sebakeng sena, re thuse ho arolelana le ba bang ba hlokang, mafutsana, ba lapileng, ba hlokang bodulo, ba hlokang mesebetsi, ba kulang, ba bodutu le ba maphelo a bona a mpefetseng. Re rapela ka lebitso la Jesu.

Amen.

BATJHA

Thapelo ya Kamohelo

Modimo wa bosafeleng, o re entse ka setshwantsho sa hao, o re rometse Mora wa hao ho re lopolla.¹

Morena, re thuse ho hlompšana le ho hlompša bohle.

Modimo wa bosafeleng, batho ba hlonameng, ba utlwisitsweng bohloko, le batho ba ripitletsweeng ba hloka hore o ba ame ka letsoho la hao le fodisang.

Morena, re thuse ho bula ditsebe tsa rona ho utlwa selo sa ba hlokaeng.

Modimo wa bosafeleng, ho na le marako a mangata, mamena a mangata, lehloyo le lengata le re arohantseng.

Morena, re thuse ho lokisa metero le ho tlola meedi, re tle re rate, re amohela le ho ananela ba bang.

Modimo wa bosafeleng, re ipolela hore re duletse ho shebana le ditlhoko tsa rona le dintho tseo re di labalabelang.

Morena, re thuse ho ntshetsapele boitshwaro ba bosebeletsi ele hore re sebetse ka lerato le boitelo.

Thapelo ya kabelano

Etella batjha pele ho rapela thothokiso “*Die kind (wat doodgeskiet is deur soldate by Nyanga)*” ka Ingrid Jonker.

¹ Bakeng sa “ho tlisa le ho abelana”, ditho di kopuwa ho tla le dimpho tse nnyane tse jwaloka dipompong, ditjhokolete kapa eng kapa eng e nnyane e tla arolelwana jwaloka letshwao la lerato le boitelo

Thothokiso ena e fumaneha ka Senyese mane e le “*The child (who was shot dead by soldiers at Nyanga)*”. (E fetoletswe ke Antjie Krog le André P Brink.) O tla fumana mantswa a thothokiso ena (ka Seafrikanse le Senyese mane ho: <https://dustymuffin.wordpress.com/2007/10/13/die-kind-ingrid-jonker/>)

Dithapelo tsa kabelano ya motho ka sego

1. Moetapele o qala karolo ena ka ho bala dithallere kapa ho bapadisa pina e reng “*The Living Years*” ka Mike le the Mechanics (mantswa ka botlalo a ka fumanwa inthaneteng)

Every generation / Blames the one before
And all of their frustrations / Come beating on your door

I know that I’m a prisoner / To all my father held so dear
I know that I’m a hostage / To all his hopes and fears
I just wish I could have told him in the living years

MOETAPELE: Ho Johanne 17 Jesu o bua ka taba ya qwaketsano mahareng a meloko thapelong ya hae.

Tloho re rapele mmoho:

Morena ya ratehang, ho Johanne 17 ha o wa rapella feela balatedi ba hao ba nako eo, empa hape ba dumelang ho wena ka molaetsa wa bona ...

Hore bohle re be ntho e le nngwe.

Morena, o re file mohlala: jwalokaha o le ho Ntate le yena a le ho wena kopanong le Moya o Halalelang – Ntate, Mora le

Moya o Halalelang e le Modimo a le mong ...

Hore bohle re be ntho e le nngwe.

Morena Modimo, Jesu o re tsebisitse wena, mme re tla tswela pele ho etsa hore o tsejwe ele hore lerato leo o nang le lona ho yena le be ho rona le hore Jesu ka boyena a be ka ho rona ...

Hore bohle re be ntho e le nngwe.

Teng lefatshe le tla tseba hore o rometse Jesu Kreste le hore o re ratile jwalokaha o ne o mo rata. Amen.

2. Etella batjha pele ho rapela thothokiso ena ya Lina Spies “n Paternoster vir Suid-Afrika”. O fumana mantswe a thothokiso ena ho http://www.woorde.co.za/Digters/Lina_Spies.html

Thapelo ya ho fana le boitlamo

Lefatshe ke la Jehova, le tsohle tse ho lona, lefatshe le ba ahileng ho lona (Pesaleme ya 24:1).

Ntata rona ya mahodimong, re tiisa hore o Morena wa tlholeho yohle.

Le neilwe feela, fanang feela (Mattheu 10:8b).

Morena Jesu Kreste, jwalokaha o iphile rona, re tla ipha ba bang.

Ya jalang hannyanane o tla kotula hannyanane; ya jala haholo o tla kotula haholo (2 Barorinthe 9:6).

Moya o Halalelang, mofani le montjhafatsi wa bophelo, ya tsamaisang le ho busa maphelo a rona, eba le rona ho tsohle tseo re di burwang le ho di nahana, tsohle tseo re di etsang, kajeno le letsatsi le leng le le leng.

BASADI

Thapelo ya kamohelo

Modimo wa bosafeleng, o re entse ka setshwantsho sa hao, o re rometse Mora wa hao ho re lopolla.

Morena, re thuse ho hlomphana le ho hlompha boble.

Modimo wa bosafeleng, batho ba hlonameng, ba utlwisitsweng bohloko, le batho ba ripitletsweng ba hloka hore o ba ame ka letsoho la hao le fodisang.

Morena, re thuse ho bula ditsebe tsa rona ho utlwa sello sa ba hloka.

Modimo wa bosafeleng, ho na le marako a mangata, mamena a mangata, lehloyo le lengata le re arohantseng.

Morena, re thuse ho lokisa metero le ho tlola meedi, re tle re rate, re amohela le ho ananela ba bang.


Modimo wa bosafeleng, re ipolela hore re duletse ho shebana le ditlhoko tsa rona le dintho tseo re di labalabelang.

Morena, re thuse ho ntshetsapele boitshwaro ba bosebeletsi ele hore re sebeletse ka lerato le boitelo.

Thapelo ya kabelano

(Moetapele o bala thapelo ya kopo mme ebe sehlopha se fa e mong le e mong nako e lekaneng ya ho rapela a kgutsitse kapa ka lentswe le utlwalang, sehlopha se qetella mmoho ho arabela kopo se re, "Morena, utlwa thapelo ya rona.")

Morena, re rapella popobotjha ya seriti sa basadi naheng ya rona



Morena, utlwa thapelo ya rona.

Morena, re rapella basadi bohle naheng ya rona ba phelang ka bofuma.

Morena, utlwa thapelo ya rona.

Morena, re rapella basadi bohle ba hlokomelang bana ele batswadi ba phelang ba le bang.

Morena, utlwa thapelo ya rona.

Morena, re rapella basadi bohle ba hlekefetswang kapa ba phelang matswalong.

Morena, utlwa thapelo ya rona.

Morena, re rapella basadi bohle ba phelang ba ena le tshwaetso ya HIV le malwetse a mang a mahlonoko.

Morena, utlwa thapelo ya rona.

Morena, re rapella basadi bohle ba ikakgetseng ka setotswana seabong sa boitseko ba tekatekano ya bong.

Morena, utlwa thapelo ya rona.

Morena, re rapella basadi bohle ba maemong a boetapele mmusong wa rona, dikerekeng, setjhabeng le lepatlelong la mosebetsi.

Morena, utlwa thapelo ya rona.

Morena, re rapella basadi bohle ba nang le seabo moruong wa rona le bophelong ba malapa ka ho sebeta ka thata kantle le kahare ho malapa a bona.

Morena, utlwa thapelo ya rona.

(Monyetla wa thapelo ya ho rapela ka bolokolohi.)

Morena, utlwa thapelo ya rona. Amen.

Thapelo ya ho fana le boitlamo

Lefatshe ke la Jehova, le tsohle tse ho lona, lefatshe le ba ahileng ho lona (Pesaleme ya 24:1).

Ntata rona ya mahodimong, re tiisa hore o Morena wa tlholeho yohle.

Le neilwe feela, fanang feela (Mattheu 10:8b).

Morena Jesu Kreste, jwalokaha o iphile rona, re tla ipha ba bang.

Ya jalang hanyane o tla kotula hanyane; ya jala haholo o tla kotula haholo (2 Barorinthe 9:6).

Moya o Halalelang, mofani le montjhafatsi wa bophelo, ya tsamaisang le ho busa maphelo a rona, eba le rona ho tsohle tseo re di buwang le ho di nahana, tsohle tseo re di etsang, kajeno le letsatsi le leng le le leng.

BANNA

Thapelo ya kamohelo

Modimo wa bosafeleng, o re entse ka setshwantsho sa hao, o re rometse Mora wa hao ho re lopolla.

Morena, re thuse ho hlompšana le ho hlompha bohle

Modimo wa bosafeleng, batho ba hlonameng, ba utlwisitsweng bohloko, le batho ba ripitlsweng ba hloka hore o ba ame ka letsoho la hao le fodisang.

Morena, re thuse ho bula ditsebe tsa rona ho utlwa selo sa ba hlokang.

Modimo wa bosafeleng, ho na le marako a mangata, mamena a mangata, lehloyo le lengata le re arohantseng.

*Morena, re thuse ho lokisa metero le ho tlola meedi, re tle re rate,
re amohela le ho ananela ba bang.*

Modimo wa bosafeleng, re ipolela hore re duletse ho shebana
le ditlhoko tsa rona le dintho tseo re di labalabelang.

*Morena, re thuse ho ntshetsapele boitshwaro ba bosebeletsi ele hore
re sebeletse ka lerato le boitelo.*

Thapelo ya kabelano

Modimo ya mohau, jwaloka banna ba phuthehileng mona
mmoho, re ipolela hore kgafekgafetsa ha re a tshwara basadi
ka tlhompho eo ba nang le yona mahlong a hao.

Re tshwarele, re a rapela.

Re ipolela hore kgafekgafetsa ditsebe tsa rona di ile tsa
kwaleha ho utlwa sello sa ba fokolang le ba hlokang.

Re tshwarele, re a rapela.

Re ipolela hore diatla tsa rona kgafekgafetsa di bile
kgutshwane haholo ho thusa le ho ananela kapa ho haka.

Re tshwarele, re a rapela.

Re ipolela hore kgafekgafetsa ha re a ka ra batla ho intsha
sehlabele sa lerato le ho fana.

Re tshwarele, re a rapela.

(Monyetla bakeng sa thapelo ya kgutso ya boinyatso.)

Modimo ya fanang ho hlokang moedi, bakeng sa
kgaphukgaphu ya mahlohonolo ho rona letsatsi le letsatsi le
selemo le selemo,

Re o neha diteboho tsa rona.

Bakeng sa bophelo, bakeng sa lerato, bakeng sa setswalle,

bakeng sa ba lelapa le metswalle,

Re o neha diteboho tsa rona.

Bakeng sa bophelo bo botle le matla, bakeng sa ditlhoko tse
kgotsofaditsweng le ditakatso tse phethahaditsweng,

Re o neha diteboho tsa rona.

Ka dipelo tse totisang tlhompoho ho seo re se buang ho ba bang

Ka ditsebe tse bulehileng ho mamela ditlhoko tsa ba bang

Ka diatla tse dulang di butswa ho ananela ba hatakellwang le
ba kotetsweng ka thoko

Ka dipelo tse nang le kutwelobohloko e tjhesehellisang ho
intsha sehlabelo sa ho fana,

Re o rapela ka thabo. Amen.

Thapelo ya ho fana le boitlamo

Lefatshe ke la Jehova, le tsohle tse ho lona, lefatshe le ba
ahileng ho lona (Pesaleme ya 24:1).

*Ntata rona ya mahodimong, re tiisa hore o Morena wa
tsholeho yohle.*

Le neilwe feela, fanang feela (Mattheu 10:8b).

Morena Jesu Krete, jwalokaha o iphile rona, re tla ipha ba bang.

Ya jalang hanyane o tla kotula hanyane; ya jala haholo o tla
kotula haholo (2 Barorinthe 9:6).

*Moya o Halalelang, mofani le montjhafatsi wa bophelo, ya tsamaisang
le ho busa maphelo a rona, eba le rona ho tsohle tseo re di burwang le ho
di nahana, tsohle tseo re di etsang, kajeno le letsatsi le leng le le leng.*

BAETAPELE

Thapelo ya kamohelo

Modimo wa bosafeleng, o re entse ka setshwantsho sa hao, o re rometse Mora wa hao ho re lopolla.

Morena, re thuse ho hlomphana le ho hlomphe bohle.

Modimo wa bosafeleng, batho ba hlonameng, ba utlwisitsweng bohloko, le batho ba ripitletsweng ba hlokoang hore o ba ame ka letsoho la hao le fodisang.

Morena, re thuse ho bula ditsebe tsa rona ho utlwa selo sa ba hlokoang.

Modimo wa bosafeleng, ho na le marako a mangata, mamena a mangata, lehloyo le lengata le re arohantseng.

Morena, re thuse ho lokisa metero le ho tlola meedi, re tle re rate, re amohela le ho ananela ba bang

Modimo wa bosafeleng, re ipolela hore re duletse ho shebana le ditlhoko tsa rona le dintho tseo re di labalabelang.

Morena, re thuse ho ntshelele boitshwaro ba bosebeletsi ele hore re sebetse ka lerato le boitelo.

Thapelo ya kabelano

Jesu Krete, Morena wa rona,
Re inehela wena.

Jesu Krete, Morena wa rona,
Re thuse ho o latela dinthong tsohle.

Jesu Krete, Morena wa rona,
Re thuse ho hlomphana le ho hlomphe ba bang – le ho ba mohlala ho ba bang.

Jesu Kreste, Morena wa rona,

Re thuse ho mamelana le ho mamela ba bang- le ho thusa ba bang ho etsa ho tshwanang.

Jesu Kreste, Morena wa rona,

Re thuse ho ananelana le ho ananela ba bang ntle le dipehelo – le ho kgothaletsa ba bang ho etsa ho tshwanang.

Jesu Kreste, Morena wa rona,

Re thuse ho ratana ka boitelo le ho rata ba bang ka boitelo – le ho tsosolosa ba bang ho rata le ho phetha mesebetsi e metle.

Tshollela Moya wa hao o Halalelang hodima rona,

Re be le hona ho beha ditholwana tsa lerato, thabo le kgotso – bakeng sa lefatshe le nyorikweng.

Morena, re rapella...

(Monyetla wa ho rapela ka bolokolohi.) Amen.

Thapelo ya ho fana le boitlamo

Lefatshe ke la Jehova, le tsohle tse ho lona, lefatshe le ba ahileng ho lona (Pesaleme ya 24:1).

Ntata rona ya mahodimong, re tiisa hore o Morena wa tlholeho yohle.

Le neilwe feela, fanang feela (Mattheu 10:8b).

Morena Jesu Kreste, jwalokaha o iphile rona, re tla ipha ba bang.

Ya jalang hanyane o tla kotula hanyane; ya jala haholo o tla kotula haholo (2 Barorinthe 9:6).

Moya o Halalelang, mofani le montjhafatsi wa bophelo, ya tsamaisang le ho busa maphelo a rona, eba le rona ho tsohle tseo re di burwang le ho di nahana, tsohle tseo re di etsang, kajeno le letsatsi le leng le le leng.

TATAISO YA THAPELO

bakeng sa Sehla sa
Seriti sa Botho

Sepheo sa Sehla sa Seriti sa Botho ke ntjhafatso ya sefahleho sa Afrika Borwa ka matla a fodisang a Modimo a ho busetsa seriti sa motho e mong le e mong. Re ka nka karolo mosebetsing wa Modimo ka thapelo.

Bukana ena e hlophiseditswe ho thusa batho le dihlopha tsa baletedi ba tshepahalang ba Jesu Kreste ho etsa feela jwalo – ho rapela. Makgabane a mane a **Sehla sa Seriti sa Botho** – *tlhompho, ho mamela, ho ananela, boitelo (ba lerato)* – a fana ka mekotaba ya dilitheji tsa thapelo. Litheji ka nngwe e na le dikgato tse tharo: *kamohelo, kabelano, le ho fana le tiiso*. Tseo re di amohelang ho Modimo, re a di abelana le ho di fa ba bang.

ISBN 978-0-86487-793-2



9 780864 877932 >

